

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԻՋԱԶԳԱՅԻՆ ԵՎ ՆԵՐՔԻՆ
ՕԴԱՆԱՎԱԿԱՅԱՆՆԵՐԻ
ԱԵՐՈՂՐՈՄՆԵՐՈՒՄ ՎԹԱՐԱՓՐԿԱՐԱՐԱԿԱՆ ԵՎ ՀՐԴԵՀԱՅԻՆ ԱՆՎՏԱՆԳՈՒԹՅԱՆ
ՄԻՋՈՑԱՌՈՒՄՆԵՐԻ ԱՊԱՀՈՎՄԱՆ
ՈՒՂԵՑՈՒՅՑ

1. Հայաստանի Հանրապետության միջազգային և ներքին օդանավակայանների անրողրոմներում վթարափրկարարական և հրդեհային անվտանգության միջոցառումների ապահովման ուղեցույցը (այսուհետ՝ Ուղեցույց) մշակված է Չիկագոյի Կոնվենցիայի N14 Հավելվածի, ԻԿԱՕ-ի N9137 ձեռնարկի (Doc.9137) 1-ին և 7-րդ մասերի, ինչպես նաև Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչության (այսուհետ՝ Գլխավոր վարչություն) պետի 2007 թվականի ապրիլի 23-ի N64-Ն հրամանով հաստատված «ՀՀ սերտիֆիկացված անրողրոմների շահագործման պայմաններով» (այսուհետ՝ Շահագործման պայմաններ) սահմանված պահանջների համաձայն և սահմանում է անրողրոմ շահագործողի կողմից միջազգային և ներքին օդանավակայանների անրողրոմներում վթարային իրավիճակներում միջոցառումների պլանավորման աշխատանքների կազմակերպման գործընթացը:

1) Սույն ուղեցույցի իմաստով Անրողրոմ շահագործող է համարվում օդանավակայանի սեփականատերը կամ այն իրավաբանական անձը, որն իրականացնում է օդանավակայանի շահագործումը կամ կոնցեսիոն կառավարումը:

2. Վթարային իրավիճակներում միջոցառումների պլանավորման նպատակը ավիացիոն պատահարների և միջադեպերի ժամանակ հետևանքների նվազագույնի բերելն է՝ նախ և առաջ մարդկանց կյանքը փրկելը, այնուհետև օդանավակայանի անխափան գործունեության ապահովումը:

3. Օդանավակայանի անրողրոմում վթարափրկարարական և հակահրդեհային անվտանգության միջոցառումների ապահովման աշխատանքների կազմակերպումն իրականացնում է Անրողրոմ շահագործողը:

4. Անրողրոմ շահագործողի կողմից մշակվում և հաստատվում է օդանավակայանի վթարային Ծրագիրը (այսուհետ՝ Ծրագիր), համաձայն Շահագործման պայմանների 63-րդ կետի՝ ելնելով անրողրոմում շահագործվող օդանավերի տիպերից և թռիչքների ինտենսիվությունից:

5. Ծրագիրը հանդիսանում է օդանավակայանի տարածքում վթարափրկարարական աշխատանքների կազմակերպումն ու իրականացումը կանոնակարգող փաստաթուղթ: Ծրագրում պետք է հաշվի առնվի մարդկային գործոնը:

6. Ծրագրով սահմանվում է աերողրոմում կամ դրա շրջակայքում առաջացած արտակարգ իրավիճակների դեպքում վթարափրկարարական միջոցառումների իրականացման գործընթացը, դրանում ընդգրկված մարմինները և այդ մարմինների միջև համագործակցության կոորդինացումը:

7. Վթարափրկարարական աշխատանքներում կարող են ընդգրկվել հետևյալ մարմինները կամ ծառայությունները՝

- 1) աերողրոմային համապատասխան ծառայություններ (աերողրոմային, ավիացիոն անվտանգության, թռիչքների էլեկտրալուսատեխնիկական ապահովման, հատուկ տրանսպորտային միջոցների),
- 2) օդային երթևեկության կառավարման ծառայություն,
- 3) ոստիկանություն,
- 4) բժշկական ծառայություն,
- 5) օդանավ շահագործողներ,
- 6) ավիացիայի բնագավառի պետական լիազոր մարմիններ և այլն:

8. Ծրագրում ներկայացվում են՝

- 1) վթարային իրավիճակները, որոնց համար մշակված է Ծրագիրը,
- 2) վթարափրկարարական աշխատանքների կազմակերպումը, համաձայն Հայաստանի Հանրապետության կառավարության 2008 թվականի սեպտեմբերի 11-ի թիվ 1043-Ն որոշմամբ հաստատված «Հայաստանի Հանրապետությունում որոնման և փրկարարական ծառայությունների կազմակերպման ու համագործակցության կարգի» դրույթների,
- 3) վթարային օպերատիվ կենտրոնը և շարժական ղեկավարման կետը,
- 4) այն աշխատակիցների տվյալները (ազգանուն, հեռախոսահամար), որոնց հետ վթարային իրավիճակների առաջացման դեպքում հաստատվում է կապ,
- 5) կոորդինացիոն ցանցով գծանշված աերողրոմի և դրա շրջակայքի քարտեզը:

9. Վթարափրկարարական գործընթացն ապահովում են Աերողրոմի վթարային օպերատիվ կենտրոնը և շարժական ղեկավարման կետը՝

- 1) վթարային օպերատիվ կենտրոնն ապահովում է վթարափրկարարական աշխատանքների կոորդինացումն ու ղեկավարումը,
- 2) շարժական ղեկավարման կետն ապահովում է վթարի տեղում փրկարարական աշխատանքների կոորդինացումը և հետևանքների վերացումը,
- 3) Ուղեցույցի 7-րդ կետում նշված մարմինների կազմից ընտրվում են Աերողրոմի վթարային օպերատիվ կենտրոնի և շարժական ղեկավարման կետի ղեկավարներ:

10. Ծրագրում նախատեսվում են պարբերական ուսումնավարժական միջոցառումներ, որոնց շրջանակներում՝

- 1) երկու տարին մեկ անգամ իրականացվում են լայնածավալ միջոցառումներ աերողրոմում ենթադրվող վթարային իրավիճակների պայմաններում,
- 2) լայնածավալ միջոցառումների միջև ընկած ժամանակահատվածում իրականացվում են նպատակային միջոցառումներ, որոնք ուղղված են վերացնելու լայնածավալ ուսումնավարժական միջոցառումների ժամանակ ի հայտ եկած թերությունները:

11. Օդանավակայանի վթարափրկարարական և հրդեհային անվտանգության պահպանությունն ապահովելու նպատակով Աերողրոմ շահագործողի կողմից կազմավորվում է փրկարարական և հակահրդեհային ծառայություն (այսուհետ՝ Ծառայություն):

12. Աերողրոմ շահագործողը Ծառայությանն ապահովում է անհրաժեշտ քանակի հաշվարկներով (անձնակազմով), հրդեհաշիջման միջոցներով, նյութերով, սարքավորումներով, տրանսպորտային միջոցներով և կապով:

13. Ուղեցույցի 12-րդ կետով սահմանված անհրաժեշտ քանակները պայմանավորված են աերոդրոմի հրշեջ պահպանության պահանջվող մակարդակով սահմանված կատեգորիայով. համաձայն Շահագործման պայմանների 9-րդ գլխի:

14. Աերոդրոմը պետք է ապահովված լինի հրշեջ-փրկարարական կայանով, որը տեղակայվում է այնպես, որ վազբուղու վերջավորություններում, ինչպես նաև աերոդրոմի ամենահեռավոր կետեր առաջին հրշեջ մեքենայի (ների) բացազատման ժամանակը չգերազանցի 3 րոպեն, իսկ հաջորդ մեքենայի (ների)՝ առաջին մեքենայի (ների) բացազատման ժամանակից ոչ ավել քան 60 վայրկյան՝ օպտիմալ տեսանելիության և մակերևոյթի պայմաններում՝

1) Եթե սույն կետով սահմանված պահանջը հնարավոր չէ ապահովել մեկ վթարափրկարարական կայանով՝ աերոդրոմում պետք է նախատեսվեն լրացուցիչ վթարափրկարարական կայաններ:

2) Հնարավորության սահմաններում հրշեջ-փրկարարական կայանի տեղակայման վայրն ընտրվում է այնպես, որպեսզի վազբուղու վերջավորություններում առաջին հրշեջ մեքենայի բացազատման ժամանակը նվազեցվի մինչև 2 րոպե:

15. Ծառայությունն ապահովում է անձնակազմի մասնագիտական պատրաստավածությունը, տեսական և գործնական պարապմունքների միջոցով մշակված ծրագրի համաձայն:

16. Տեսական պարապմունքներն իրականացվում են Աերոդրոմ շահագործողի կողմից հաստատված ուսումնական ծրագրերով: Ուսումնական ծրագրերում պետք է ընդգրկվեն հետևյալ հիմնական թեմաները՝

1) օդանավակայանի վթարափրկարարական և հրդեհային անվտանգության միջոցառումների ծրագիրը,

2) աերոդրոմի հատակագիծը, աերոդրոմի տարրերը, երթևեկման ուղիները,

3) աերոդրոմում շահագործվող օդանավերի տիպերը և դրանց առանձնահատկությունները,

4) հրդեհաշիջման նյութերի, միջոցները և սարքավորումների տեսակները և դրանց օգտագործման պայմանները,

5) հնարավոր հրդեհային իրավիճակները, դրանց գնահատումը և հետևանքները:

17. Անձնակազմի գործնական պարապմունքներն իրականացվում են ուսումնավարժական միջոցառումների անցկացման ձևով, որոնք պետք է ուղղված լինեն անձնակազմի գործնական ունակությունների կատարելագործմանը.

1) ուսումնավարժական միջոցառումների ժամանակացույցը և ծրագիրը սահմանվում են Աերոդրոմ շահագործողի կողմից,

2) ուսումնավարժական միջոցառումներում կարող են ներառվել Ուղեցույցի 7-րդ կետում նշված մարմինները:

18. Ծառայության անձնակազմը պետք է ապահովված լինի պաշտպանական արտահագուստով և անհատական պաշտպանիչ միջոցներով.

1) ծառայության կողմից իրականացվում է վերահսկողություն սույն կետում նշված արտահագուստի և միջոցների պիտանիության ժամկետների նկատմամբ,

2) ժամկետանց կամ վնասված պաշտպանական արտահագուստի և անհատական պաշտպանիչ միջոցների օգտագործումն արգելվում է:

19. Ծառայությունն ապահովում է հրշեջ-փրկարարական տրանսպորտային միջոցների շահագործողական պատրաստականությունը՝

1) հրշեջ-փրկարարական տրանսպորտային միջոցների տեխնիկական սպասարկումն իրականացվում է արտադրողի կողմից սահմանված շահագործողատեխնիկական փաստաթղթերով սահմանված ժամանակացույցի և ծրագրի համաձայն: